

Ledscha davart l'adöver da las localitats da la Corporaziun evangelica Scuol/Tarasp

dals 5 december 2008

La radunanza da la Corporaziun evangelica Scuol/Tarasp,
sün basa da l'art. 13 ainea h) dals statüts da la corporaziun
decida:

I. Disposiziuns generalas

Art. 1

¹ Las localitats da la Corporaziun evangelica Scuol/Tarasp (corporaziun) Princip
servan ouravant tuot al servezzan divin da dumengias e festas, per
casualias chi han lö dūrant l'on e per l'adöver da la corporaziun tenor las
disposiziuns da la Baselgia evangelica chantunala.

² Scha las localitats nu vegnan dovradas da la corporaziun, pon talas gnir
missas a disposiziun per oters adövers.

Art. 2

¹ La corporaziun regla l'adöver da las seguaintas localitats da la corpora- Object
ziun:

- a) la baselgia refuormada San Geer a Scuol
- b) la baselgia da S-charl
- c) la chasa da pravenda, Scuol.

Art. 3

¹ Las baselgias e las localitats dal plan terrain in chasa da pravenda pon Böts
gnir missas a disposiziun per occurrenzas religiusas e culturalas.

² Pro occurrenzas religiusas in baselgia sto tour part üna persuna
legitimada pel servezzan ecclesiastic.¹⁾

¹⁾ Art. 11 – 13 uorden da l'autorisaziun pel servezzan parochial (CLB 910).

II. Dret fuormal

Art. 4

- Cumpetenzas ¹ Il consistori decida sur dal tegner avert e sur da l'adöver da las localitats ecclesiasticas da la corporaziun.
² El relascha las ordinaziuns executivas.

Art. 5

- Dumandas per far adöver ¹ Dumandas per far adöver da las localitats ecclesiasticas sun d'examinar schi's cunfan culs intents da la baselgia refuormada.

III. Dret material

Art. 6

- Cuosts ¹ In quint vegnan miss ils cuosts per l'adöver da las localitats tenor il princip da proporziunalità ed egualità giuridica.²⁾
² Commembers da la corporaziun sco eir persunas chi pajan impostas limitadas a tala han da surtour ils cuosts effectivs chi naschan a la corporaziun tras l'adöver da las localitats.
³ Tuottas otras persunas natürals e giuridicas, organisaziuns e societats chi nu pajan impostas a la corporaziun han da contribuir implü eir üna taxa d'adöver da 50.- francs fin 500.- francs pro occurrenza.

IV. Disposizuns finalas

Art. 7

- Entrada in vigur ¹ Quista ledscha aintra in vigur als 1. schner 2009.
² Cull'entrada in vigur da quista ledscha es aboli l'uorden d'adöver da la corporaziun dals 27 marz 1985 sco eir tuot las disposiziuns d'oters relaschs chi stan in cuntradicziun cun quella.

Corporaziun evangelica Scuol/Tarasp

Il president

l'actuar

Jachen Erni

Richard Marugg-Schüpfer

²⁾ Directivas regard las accziuns da la baselgia refuormada (CLB 214)